

Na osnovu člana 16. stav 4. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10), u vezi sa razmatranjem Informacija o aktivnostima koje poduzimaju nadležni organi Zeničko-dobojskog kantona nakon zaključenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine, na prijedlog ministra Ministarstva zdravstva, Vlada Zeničko-dobojskog kantona, na 93. sjednici održanoj dana 13.04.2017. godine, d o n o s i

ZAKLJUČAK

I

Usvaja se Informacija o aktivnostima koje poduzimaju nadležni organi Zeničko-dobojskog kantona nakon zaključenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine.

II

Zadužuje se Ministarstvo zdravstva da u roku od 15 dana pripremi Prijedlog odluke o početku primjene Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine, uvažavajući odredbe Sporazuma o izmjenama usaglašenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine.

III

Zaključak stupa na snagu danom donošenja.

Broj: 02-_____/17.
Datum, 13.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva,
1x a/a.

I N F O R M A C I J A
**O AKTIVNOSTIMA KOJE PODUZIMAJU NADLEŽNI ORGANI ZENIČKO-
DOBOJSKOG KANTONA NAKON ZAKLJUČENOG KOLEKTIVNOG UGOVORA O
PRAVIMA I OBAVEZAMA POSLODAVACA I ZAPOSLENIKA U OBLASTI
ZDRAVSTVA NA TERITORIJU FEDERACIJE BiH**

Cilj Informacije je upoznati Vladu Zeničko-dobojskog kantona o aktivnostima koje su nadležni organi Zeničko-dobojskog kantona dužni poduzeti, nakon što je dana 05.02.2017. godine, zaključen Kolektivni ugovor o pravima i obavezama poslodavaca i uposlenika u oblasti zdravstva na teritoriji Federacije Bosne i Hercegovine, između Nezavisnog strukovnog sindikata zaposlnih u zdravstvu Federacije Bosne i Hercegovine, s jedne strane, te kantonalnih ministara zdravstva uz prethodnu saglasnost vlada Zeničko-dobojskog kantona, Kantona Sarajevo i Bosansko-podrinjskog kantona Goražde, s druge strane.

Usaglašeni granski kolektivni ugovor za oblast zdravstva dobio je saglasnost Vlade Zeničko-dobojskog kantona, uz istovremeno zaključivanje Sporazuma o izmjenama usaglašenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine, koji je zaključen sa Nezavisnim strukovnim sindikatom radnika zaposlenih u zdravstvu Zeničko-dobojskog kantona, a na koji je Vlada Zeničko-dobojskog kantona prethodno dala saglasnost, Zaključkom broj: 02-34-20800/16 od 21.12.2016. godine, koji je obostrano potpisan 06.01.2017. godine.

Navedenim Sporazumom predviđena je izmjena punog radnog vremena koje po Sporazumu traje 37,5 sati sedmično, s tim da poslodavac ne može odrediti duže radno vrijeme od propisanog zakonom, ne računajući vrijeme provedeno na dežurstvu. Saglasno ovom sporazumu predstavnici Sindikata potvrđuju da ne postoji pravni osnov za podizanje tužbi uposlenih u zdravstvu ZDK radi utvrđivanja trajanja punog radnog vremena od 37,5 sati sedmično i istim je ovlašten dr. Dragoljub Brenjo, ministar zdravstva u Vladi Zeničko-dobojskog kantona, za potpisivanje Sporazuma.

Potpisivanjem Sporazuma sa Nezavisnim strukovnim sindikatom radnika zaposlenih u zdravstvu Zeničko-dobojskog kantona, koji je objavljen u Službenim novinama Zeničko-dobojskog kantona broj: 2/17, riješena su pitanja od obostranog interesa.

Dana 05.02.2017. godine potpisan je i zaključen Kolektivni ugovor o pravima i obavezama poslodavaca i uposlenika u oblasti zdravstva na teritoriji Federacije Bosne i Hercegovine između Sindikata, s jedne strane, te ministara zdravstva u vladama Zeničko-dobojskog kantona, Kantona Sarajevo i Bosansko-podrinjskog kantona Goražde.

Kolektivni ugovor je objavljen 17.02.2017. godine u „Službenim novinama Federacije Bosne i Hercegovine“ broj: 12/17, a stupio je na snagu narednog dana od dana objavljivanja 18.02.2017. godine. Nakon objave kolektivnog ugovora u „Službenim novinama Federacije BiH“, dva primjerka ovog kolektivnog ugovora su od strane Sindikata, dostavljena Federalnom ministarstvu rada i socijalne politike, radi evidentiranja granskog kolektivnog ugovora u Knjizi evidencije kolektivnih ugovora, u skladu sa odredbama Pravilnika o postupku dostavljanja i vođenja evidencije kolektivnih ugovora („Službene novine Federacije BiH“, broj 76/16).

Bitno je istaći da Kolektivni ugovor pravi distinkcija između vremena stupanja na snagu Kolektivnog ugovora 18.02.2017. godine, od vremena primjene Kolektivnog ugovora. Naime, saglasno članu 76. stav (3) Kolektivnog ugovora, utvrđena je obaveza kantonalnih vlada da definiraju uvjete i rokove primjene Kolektivnog ugovora. Nakon donošenja odluke kantonalne vlade kojom se definiraju uvjeti i rokovi primjene Kolektivnog ugovora, obaveza je da se u roku od 60 dana od dana stupanja na snagu navedene kantonalne odluke usaglase pravilnici o radu zdravstvenih ustanova s područja kantona, a u smislu člana 76. stav (4) istog ugovora.

Napominjemo da je Ministarstvo zdravstva, uz prijedlog Odluke o davanju saglasnosti na Kolektivni ugovor, već dostavilo Vladi Zeničko-dobojskog kantona Izjavu o fiskalnoj procjeni od 05.12.2016. godine, u kojoj je navedeno da davanje saglasnosti na usaglašeni tekst Kolektivnog ugovora nema fiskalnog efekta na Budžet Zeničko-dobojskog kantona, u smislu dodatnih sredstava koje je potrebno obezbjediti u Finansijskom planu Zavoda zdravstvenog osiguranja Zeničko-dobojskog kantona, kao ni u finansijskim planovima zdravstvenih ustanova kao vanbudžetskim korisnicima, pod uvjetom da menadžmenti zdravstvenih ustanova u skladu sa članom 38. usaglašenog Kolektivnog ugovora, pristupe utvrđivanju koeficijenata složenosti u rasponu od 1.00 do 4.40 u pravilnicima o radu zdravstvenih ustanova, vodeći računa o finansijskim mogućnostima zdravstvene ustanove, shodno izvorima finansiranja zdravstvene zaštite. (Fiskalna izjava u prilogu).

Imajući u vidu navedenu fiskalnu izjavu, smatramo da su se stekli uvjeti za utvrđivanje početka primjene Kolektivnog ugovora na području Zeničko-dobojskog kantona.

Ministarstvo zdravstva predlaže Vladi Zeničko-dobojskog kantona da nakon razmatranja Informacije, usvoji predloženi Zaključak kojim se:

1. Usvaja Informacija o aktivnostima koje poduzimaju nadležni organi Zeničko-dobojskog kantona, nakon zaključenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriju Federacije BiH i
2. Zadužuje Ministarstvo zdravstva, da u saradnji sa Zavodom zdravstvenog osiguranja Zeničko-dobojskog kantona, pripremi za Vladu Zeničko-dobojskog kantona Prijedlog odluke o početku primjene Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine, na području Zeničko-dobojskog kantona, uvažavajući odredbe Sporazuma o izmjenama usaglašenog Kolektivnog ugovora o pravima i obavezama poslodavaca i zaposlenika u oblasti zdravstva na teritoriji Federacije Bosne i Hercegovine.

Ministar

Dr. Dragoljub Brenjo